

高啓曰 高太史詩鈔

天保六年（一八三五）醉古堂刊本

青邱子歌有序

江上有青邱子徙家其南因自號青邱子間

居無事終日苦吟聞作青邱子歌言其意以

解詩淫之嘲

青邱子臞而清本是五雲閣下之仙卿何年降謫在
世間向人不道姓與名躡屩厭遠遊荷鋤懶躬耕有
劍任鏽澀有書任縱橫不肯折腰爲五斗米不肯掉
舌下七十城但好覓詩句自吟自酬賁田間曳杖復
帶索旁人不識笑且輕謂是魯迂儒楚狂生青邱子
聞之不介意吟聲出吻不絕呻吟鳴朝吟忘其飢暮
吟散不平當其苦吟時兀兀如被醒頭髮不暇攬家
事不及營兒啼不知憐客至不果迎不憂回也空不

高太史詩鈔卷

七

慕猗氏盈不惹被寬褐不羨垂華纓不問龍虎苦戰
闖不蒼烏兔忙奔傾向水際獨坐林中獨行斲元氣
搜元精造化萬物難隱情冥茫入極遊心兵坐令無
象作有聲微如破懸蟲壯如屠長鯨清同吸沆瀣霞
比排崢嶸靄靄晴雲披軋軋凍草萌高攀天根探月
窟犀照牛渚萬怪呈妙意俄同鬼神會佳景每與江
山爭星虹助光氣煙露滋華英聽音諧韶樂咀味得
大羹世間無物爲我娛自出金石相轟鏗江邊茅屋
風雨晴閉門睡足詩初成叩壺自高歌不顧俗耳驚
欲呼君山老父攜諸仙所弄之長笛和我此歌吹月

明但愁歎忽波浪起鳥獸駭叫山搖崩天帝聞之怒
下遣白鶴迎不客在世作狡獪復結飛珮還瑤京

書名：高太史詩鈔 醉古堂刊本

作者：(明) 高啓 撰 / (日本) 仁科幹 輯

出版地點：醉古堂

出版時間：天保六年 (1835)